



AGJENCIA KOSOVARE E PRIVATIZIMIT
KOSOVSKA AGENCIJA ZA PRIVATIZACIJU
PRIVATISATION AGENCY OF KOSOVO

UNIVERSITETI "KADRI ZEKA"
REPUBLIC OF KOSOVO
AGJENCIA KOSOVARE E PRIVATIZIMIT - KOSOVSKA AGENCIJA ZA PRIVATIZACIJU
PRIVATISATION AGENCY OF KOSOVO

Nr. 7381
No.
Nr. i Fq. 3
Br. Str.
No. Pg.

Data : 17 OCT 2017
Datum :
Date :

Prishtinë / Pristina

MARRËVESHJE BASHKËPUNIMI

në mes të

UNIVERSITETI GJILANIT
UNIVERSITY OF GJILAN

Pranuar me datë 17.10.2017

Udhësi. orig.	Udhësi. kopje	Shënime	Vendi
	01	1496	

Universiteti "Kadri Zeka" Gjilan, përfaqësuar nga Prof. Asoc. Dr. Z. Bajram Kosumi, Rektor, tani e tutje si UKZ,

dhe

Agjencia Kosovare e Privatizimit, përfaqësuar nga z. Ekrem Hajdari, Drejtor Menaxhues, tani e tutje si AKP.

Me vullnet të mirë palët u pajtuan si në vijim:

1. Qëllimi i Marrëveshjes:

Qëllimi i kësaj Marrëveshje është angazhimi për punë praktike për studentët e UKZ-së në AKP.

Kohëzgjatja e ushtrimit të praktikës për studentët e UKZ-së do të jetë një (1) muaj kalendarik, me mundësi vazhdimi sipas nevojës së AKP-së.

Angazhimi do të jetë dyzet (40) orë në javë (përfshirë ligjëratave, provimeve dhe obligimeve të tjera që i kanë studentët në fakultet).

Angazhimi i studentëve do të jetë pa kompensim monetar nga ana e AKP.

Studentët pas përfundimit të praktikës profesionale në AKP do të pajisen me Letër Konfirmim për kryerjen e punës praktike.

2. Kriteret për angazhimin e praktikantëve në AKP

Përzgjedhja e studentëve për punë praktike në AKP do të bëhet nga ana e UKZ-së, sipas kriterëve të përcaktuara paraprakisht.

Minimumi i kriterëve të kërkuara nga AKP-ja, janë si në vijim:

- I. Praktikantët duhet të jenë studentë të UKZ-së kryesisht në drejtimet: Fakulteti Juridik dhe/ apo Ekonomik, por me raste edhe në drejtime tjera, varësisht nga nevojat dhe interesi i AKP-së;
- II. Praktikantët, duhet të jenë minimum në vitin e dytë (II-të) të studimeve në UKZ;

- III. Praktikantët, gjatë kryerjes së punës praktike në AKP, duhet të tregojnë interesim, gatishmëri, përkushtim dhe seriozitet në realizimin e detyrave dhe përgjegjësive gjegjëse si dhe respektimin e Kodit Etik dhe Orarit të punës;
- IV. Praktikanët duhet të respektojnë rregullat e konfidencialitetit si: ndalimi i publikimeve të pa autorizuara ose forma të tjera të përhapjes së informacioneve për rolin ose punën e AKP-së, komunikimi me media ose palët tjera për çfarëdo informacioni apo autorizim paraprak të AKP-së. Rregullat e konfidencialitetit vlejnë edhe pas përfundimit të Marrëveshjes me AKP-në.

3. Dokumentet e nevojshme

Praktikanti, në ditën e parë të fillimit të punës praktike në AKP, duhet të sjellë me veti dokumentet si më poshtë:

- ID e studentit (kopje);
- Letënjoftimi (kopje);
- Dokument që verifikon vitin akademik të studimeve në UKZ.

4. Ndryshimi dhe plotësimi i bashkëpunimit

Kjo Marrëveshje Bashkëpunimi është dokument bazë për ndryshimet dhe plotësimet e saj si dhe për marrëveshjet tjera të veçanta të arritura ndërmjet palëve.

Ndryshimet dhe plotësimet e mëvonshme si dhe marrëveshjet e veçanta bëhen në mënyrën si në vijim:

- Ndryshimet ose plotësimet e Marrëveshjes do të jenë efektive pas pajtueshmërisë së palëve dhe nënshkrimit të tyre;
- Marrëveshjet e mëtuqeshme lidhur me ndonjë organizim të veçantë, me të drejta dhe detyrime reciproke ndërmjet palëve, nuk do të jenë efektive përderisa nuk përpilohen dhe nënshkruhen nga përfaqësuesit e autorizuar të të dyja palëve.

5. Kohëzgjatja dhe efektet juridike

Kjo Marrëveshje lidhet me kohë të caktuar prej dymbëdhjetë muajve (12) duke filluar nga data e nënshkrimit të marrëveshjes, me mundësi të zgjatjes së afatit.

Përfundimi i kësaj Marrëveshje mund të bëhet me marrëveshje ndërmjet të dyja palëve.

Kjo Marrëveshje mund të përfundoj njëanshëm nga njëra palë me paralajmërim prej së paku tre (3) muaj.

Marrëveshjet verbale për çështje të caktuara, gjithashtu nuk gjejnë mbështetje në këtë Marrëveshje dhe ato nuk do të merren parasysh.

6. Standardet

Të dyja palët janë të obliguara të përmbushin këtë Marrëveshje me ndershmëri (integritet) të lartë dhe standarde profesionale, etike dhe kompetencë.

7. Gjuha e kontratës

Kjo Marrëveshje do të përpilohet në gjuhën Shqipe.

8. Mospajtimet

Të gjitha mospajtimet ndërmjet palëve zgjidhen me mirëkuptim ndërmjet tyre.




9. Ligji i aplikueshëm

Palët respektojnë dhe zbatojnë ligjet në fuqi të Republikës së Kosovës, rregullat dhe kërkesat tjera të aplikueshme të autoriteteve përkatëse shtetërore.

10. Hyrja në fuqi

Palët do të fillojnë zbatimin e këtij bashkëpunimi menjëherë pas nënshkrimit të kësaj Marrëveshje.

Marrëveshja nënshkruhet në dy (2) kopje origjinale, për secilën palë nga një.

Për AKP:		Për UKZ:	
Emri:	Z. Ekrem Hajdari	Emri:	Z. Bajram Kosumi
Pozitat:	Drejtor Menaxhues, AKP	Pozita:	Rektor, UKZ
Nënshkrimi:		Nënshkrimi:	
Data/ Vendi:	17 Tetor 2017, Prishtinë	Data/ Vendi:	17 Tetor 2017, Prishtinë
Vula:		Vula:	